

流。太宗文皇帝龍吟方澤。卷氛□而廓□天。定周鼎而庇交喪。皇帝系日垂明。承乾□大。仁高鳳紀。□降鶉火之禽。德甚龍名。亟進玄枵之獸。禮無形體。碩化外彰。樂匪晉聲。鴻勳內立。傅野之辰星波委。共構天隅。渭濱之熊兆山連。永維地□。每□黃屋而垂拱。神貺三脊。彌怯乘奔。負黼宸而無言。靈瑞□彩。深勞夕惕。總仙篆而周覽。祉爲道臻。極禎謀以遐觀。休非譴及。知物情之可順。識天命之難違。所以踐泰嶽而渥金。蹈梁阿而刻玉。雖七十二代昭著前書。類此言之。其蔑如也。猶自斷情山而填慾壑。禦遏塵勞。決法海而□福田。襟帶區宇。沙河縣令趙德肱。乃天地駿骨。丹穴鳳毛。斂脩翼以卑栖。踟遠趾而微步。言驚武戲。笑漢宗之處不其。威肅權豪。譏少平之□洛下。丞元仁福。志尚廉貞。情存簡約。故得贊調琴而變曲。政蔑歌鸞。毗製錦以隨機。仁陵歎雉。主簿劉尚廉。少府丘仲任等。並崑山玉璞。漢水珠胎。至於□業誠盈。頻窺損益之卦。尻平履順。屢觀欹器之圖。共立淨因。俱捐苦諦。提攜在志。勤勉於傾寶之園。誘進居心。隨喜於聚沙之塔。縣人劉君路。探信□於二藏。虛往實歸。聘戒足於三危。瞬息千里。乃顧瞻頽績。肇發深懷。行必影隨。聲必響起。與鄉人鄭懷藝五十人等。以乾封二年重成勝業。爾其峻陞迴風。移芝栢於惠氣。高欄寫月。交壁礎於清輝。橫虹蜺以架飛梁。□玉繩而綴輕網。流朝霞而替丹牖。色異染成。凝夕□以當玕璣。妍殊巧制。重樂以隊。勢趣險而逾安。積拱疑傾。形臨危而轉

固。桄龍呈聚。望卿雲以振雕鱗。薨鳳潛儀。愬王風而揚綵翮。豪敷五色。照日次以重光。香爇六銖。薰戒品而增□。瓊林寶地。妙樂無極。四王諸天。憑神戾止。所以勸善也。刀山火鑊。楚毒綿劫。三界之子。託業來游。所以懲惡也。觀夫聖人之立教。顯而晦。有而無。理幽遠以難知。言河漢而不測。大菩薩未足盡其源。底沉慧區區者哉。且至道之極。不出於無。至無之極。不離於有。成天地不撓其慮。匠萬物不勞其巧。用之億載而不竭。冲之千劫而未盈。明之者守樸而唯奇。闇之者加雕而益陋。已得遣之而不去。未證徵之而莫□。故隱提河而不滅。見迦維以不生。孔司寇罔察其名。李柱下詎詳誰子。惟恍惟惚。渾和於元氣之中。不瞰不昧。分離於心行之表。化身之用也如彼。法界之量也如此。論其像姿無定源。不可以肉眼決。語其法源有貞通。寧得以凡情斷。所爲足遊仙館。目轉神展。未敢讚頌天師。庶以記其人力。竊謂靈光巋然。審其狀者父考。景福軒翥。明其代者平叔。斯並文乖報應。事闕果因。詠漢室之不朽。賦魏國以恒新。伊梵宮之閑偉。豈寢嘿於名津。其詞曰。天紘肇闢。地區初形。神開萬品。氣變千名。源消□派。風鼓澆聲。誰知安本。心爲幻城。皇哉曰氏。誕叡玄機。是舟是楫。爲導爲鑿。言寡而要。義開而微。絕施恒捨。息照逾輝。跡窮虛壤。超登彼岸。色蔭冰離。慶勞葉散。天神明請。地祇幽讚。惑網高寨。迷塗景旦。慧日西沈。勝幡東立。釋蓋祛累。挫紛解繫。神足遐□。靈心迴集。德山難仰。法海誰